

Ata Faataitai 2: Claire—O le a lava ea a’u taumafaiga e faia ai le mea ua finagalo le Alii ou te faia? (Ioane 6:5–14)

TUSI LESONA SEMINARE O LE FEAGAIGA FOU

Ina ua silasila Iesu ma Ona soo i se motu o tagata ua latalata mai, sa atuatuvaile le au soo i le lava o mea ai e fafaga ai tagata uma.

Suesue i le tala o le fafagaina e Iesu o le 5,000 i le Ioane 6:5–14, ma saili ma faailoga faamaoniga o leni mataupu faavae: **a tatou ofo atu i le Faaola mea uma ua tatou maua, e mafai ona Ia faateleina a tatou taumafaiga ina ia faataunuu Ona faamoemoe.**

- O a ni mea ua e maua i nei fuaiupu e lagolago ai leni mataupu faavae?
- E faapefea ona e manatu po o a ni lagona o le au soo po o le tamaitiiti talavou e uiga i le mea e mafai ona latou ofoina atu e faatusatusa ma mea o loo manaomia?

Faitau le saunoaga lea a Sister Michelle D. Craig, Fesoasoani Muamua i le Au Peresitene Aoao o Tamaitai Talavou:



Pe sa iai se taimi na e lagona ai e lē lava au taleni ma meaalofo mo le galuega o fuafuluina? Sa ou maua ai. Ae e mafai e oe ma a’u ona tuuina atu mea ua ia i ta’ua ia Keriso, ma o le a la faateleina a tatou taumafaiga. O mea e te ofoina atu ua sili atu ona lava—e tusa po o a ou faaletonu ma vaivaiga faaletagata—*pe afai* e te faalagolago i le alofa tunoa o le Atua. (Michelle D. Craig, “Lē Faamalieina Faaleagaga,” *Ensign* po o le *Liahona*, Nov. 2018, 54)

- O a ni auala eseese e mafai ona tatou “tuuina atu ai mea ua tatou maua ia Keriso”?
- O a mea na e aoaoina mai leni tala i le fafagaina e Iesu o le 5,000 e mafai ai ona fesoasoani i se tasi lea e popole pe le lava mea e mafai ona ia tuuina atu?

A o e sauni e faasoa atu mea ua e aoaoina, mafaufau i faataitaiga mai lou olaga po o le olaga o isi ina ua e vaaia le Faaola o faateleina taumafaiga a se tasi ina ia faataunuuina Lana galuega.